

**RECORDING TRANSCRIPT**  
**Level 2 Te Reo Rangatira (91777), 2015**

ENGINEER TRACK 1

**READER** Ko tā te kaiwhakahaere mahi, he whakamātau i te hīrea mai o te reo pāho. Kāti ra, kia areare mai ō taringa ki te kupu whakatau e whai ake nei.

Tēnā koe kua uru mai nei ki roto i te whakamātautau whakarongo mō Te Reo Rangatira Kaupae 2, 2015.

Whakatū mai tō ringa hei tohu atu ki te kaiwhakahaere i rongo pai nei koe i te kupu whakatau.

The Supervisor will now pause the recording to check that everyone has heard this introduction.

ENGINEER PAUSE FOR 5 SECONDS

TRACK 2

**READER** **He Kōrero Whakataki**

***Whakarongo ki te reo whai kupu***

Me mārama, me pakari hoki koe ki ngā kōrero e mau nei i te kōpae kōrero kua āta whakaritea hei aronga whakarongo māu.

Nā, ko te mahi whakamātautau māu, he whakarongo ki te reo whai kupu, he whai mārama i aua kōrero, he tautuhi hoki i ngā hanga o te reo ki te tūmahi kotahi. Kātahi ka whakautu pātai aroā, ka whakatau i ngā kīanga e rite ana, ka tuhi whakamārama hoki ki ētahi tīpakotanga kōrero.

Mā te whakautu i ngā pātai ki ngā kōrero ka rangona, e taea ai te tutuki te kōeke paetae, te whānui rānei o te kōeke kaiaka, te whānui me te hōhonu rānei o te kōeke kairangi.

ENGINEER PAUSE FOR 5 SECONDS

**READER** **Tūmahi Whakarongo: *James Clendon Tau Hēnare***

Hei tohutohu:

- He kōrero tēnei nā Chris Winitana mō *James Clendon Tau Hēnare*.
- Ka toru katoa ngā wā o te whakarongo ki tēnei kōrero.
- I te whakarongo tuatahi, kua e tuhituhi, ēngari me whai i te ia o te kōrero, me āta whakaemiemi hoki i ngā ariā matua ki te wāhi i whakaritea.
- Mutu ana te kōrero katoa, ka whakatā mō te wā poto, kia whakautu pātai.

ENGINEER PAUSE FOR 5 SECONDS

**READER** Anei te kōrero.

ENGINEER LISTENING PASSAGE BEGINS (FIRST READING)

TRACK 3

**READER** *James Clendon Tau Hēnare*

I whānau mai a James Clendon Tau Hēnare (1911–1989) ki Mōtatau i Pēwhairangi. He uri whakaheke ia nō ngā toa whakawehi o te raki pērā i a Hōne Heke, i a Kawiti mā. Ko Taurekareka Hēnare tōna matua, nō ngā iwi o Ngā Puhi me Ngāti Whātua. I pōtitia ia ki te Pāremata hei Mema Māori mō Te Tai Tokerau i te tau 1914. Ko tōna whāea ko Hera Paerata, nō ngā iwi o Te Rārawa, o Ngāti Kurī, o Te Aupōuri.

Mai anō i tōna tamarikitanga kua puta kē ngā tohu kaiārahi kei a ia; ka ākona ia ki ngā tikanga Māori me ngā whakapapa. I kuraina ia ki te Kāreti o te Manawa Tapu, he kura Pākehā i Tāmaki-makau-rau. Nō muri ka mahi a ia i runga i tētahi o ngā kaupapa ahuhenua Māori a Ngāti Hine. Atu i te tōmuritanga o ngā 1930, he kaipānui reimana a ia i te Hāhi Mihinare. Ka hia tau a ia ka noho hei mema o te hīnota o Ākarana.

I te matenga o tōna matua i te tau 1940 ka matika a Hēnare hei kaiārahi; ka kuhu ia ki ngā rīri i waenganui i ngā whenua o te ao, kātahi ka teitei atu tōna tūranga. Ka kuhu a ia ki Te Hokowhitu a Tū 28 hei hōia noa. Kāore noa iho i roa ka whai kōmihana. Ka kuhu ia ki ngā whawhai i Āwherika ki te Raki – i taotū ia i El Alamein – me Itāria. Ka kake a ia hei kāpene i te tau 1942, ā, nō te tau 1944 ka eke ia hei meiha. I te marama o Hune o te tau 1945 ka tohungia ia hei kaiwhakahaere o te ope taua Māori, ko te rūtene kārara tōna tūranga. He kaiārahi māia a Hēnare. Ka tū te ihiihi, ka tū te wanawana o ana hōia. Kuhuna ai ngā kōrero mō tōna toa ki ngā pānui. I te tau 1946 ka whakawhiwhia ia ki te tohu DSO mō tana ārahi i ana hōia i te pakanga o Monte Cassino.

I te mutunga o ngā riri ka huri a Hēnare ki ngā mahi kāwanatanga, ki te ārahi i tōna ake iwi. Ko tētahi o ngā mahi nui i āwhina ia, ko te whakatūnga o te kōhanga reo hei ako i te reo Māori ki ngā tamariki kōhungahunga. Ka hāpai ia i te take o tōna matua kia whai whakaaro nuitia te Tiriti o Waitangi. I whakapono ia he kawenga tapu tā ngā iwi Māori o Te Tai Tokerau ki te whakaputa kōrero mō te Tiriti. I runga ia i te Rūnanga o te Tiriti o Waitangi, he komiti o ngā uri whakaheke o ngā rangatira nā rātou te Tiriti i haina i te tau 1840. Pērā ki tōna matua, i te tau 1940 ka tohungia a Hēnare ki te Poari Kaitiaki o Waitangi mō te Motu, ā, i taua tau tonu ko ia te hēkeretari whakahaere i te hui ka tū ki Waitangi hei whakanui i te rau tau o te hainatanga o te Tiriti. I whakawhiwhia ia ki te tohu CBE i te tau 1966; i te tau 1978 ka ūhia ia ki te tohu Tā. Ka mate a Hēnare i Kawakawa i te tau 1989.

*TRACK 4*

**READER** Ka whakatā mō te rua meneti hei tuhituhi i ōu whakaaro.

*ENGINEER PAUSE FOR 2 MINUTES*

**READER** James Clendon Tau Hēnare: Te whakarongo tuarua

*ENGINEER INSERT LISTENING PASSAGE*

**READER** Ka whakatā mō te 30 hekona hei tuhituhi i ōu whakaaro.

*ENGINEER PAUSE FOR 30 SECONDS*

**READER** James Clendon Tau Hēnare: Te whakarongo whakamutunga

*ENGINEER INSERT LISTENING PASSAGE*

**READER** Ka whakatā mō te 30 hekona hei tuhituhi i ōu whakaaro.

*ENGINEER PAUSE FOR 30 SECONDS*

**READER** Tirohia ina kua whakautua e koe ngā pātai katoa. Kua mutu te whakamātautau whakarongo i konei. Noho ora mai.

This is the end of the recording.